

ПЫНГЭРТАРХАДМ'

Нгарка яни нимня,
Ян ебц' мюня —
Тиртя игано' мюня
Нгацекэдарев'
Пынгэртархадм'.
Тире' панахат
Сэр' хабтараха
Нгарка тиртя игано
Лэбтанакораха.
Порт саля' нимня
Хохэрецяраха,
Нядэ' хабтараха,
Не' игэва' иня'
Нётанакораха.
Мань игани' игод'
Соя'мами ями
Санго тумдыбив.
Нгарка Порт салям'
Вангга севолбида
Нгуда' харахана.
Соя'мами ями
Сяхарини игод'

Нив юрыбюр'.
Нгэвакони нимня
Тир' мюсенганё',
Нгарка хой' сюмбам'
Нёдонакораха.
Ини вакахана
Е'я мядикоми
Мань тенелигадм'.
Тецяда мякана
Небяв вадась —
Сими ти вадась.
Нув мерцяя
Нгобертарахась
Мяд сидмана.
Нгадьбяни нгод'
Хуна сяхарт
Хара' енггахана
Нив юрыбюр'.
Соя'ма яхани
Нгэдалёбиани
Майбасетыдм'.